



COMUNU DE PULA
Tzitadi Metropolitana de Casteddu

ÀREA SERVÌTZIUS A SA PERSONA

Telèfonu: 070/92440273 – 271 – 278 – 270 – e-mail: servizipersona.comune.pula@pec.it

AVISU



ALLISTADURA A SU SERVÌZIU MENSA SCOLÀSTICA ANNU SCOLÀSTICU 2020/2021

Si fait sciri ca po s'annu scolàsticu 2020/2021 ant a assigurai su servìtziu scolàsticu de mensa, segundu su critèriu chi s'ghit:

- SA MENSA: su servìtziu est po is pipius chi andant a sa scola de Pipiesa, po is scolanus de is scolas Elementari e de is scola Mèdias de I gradu de sa bidda de Pula e in su de Santa Margherita chi frequentant su Tempus Preatu o su Tempus Prolungau.

S'arremonat ca, is allistaduras fatas in s'annu 2018/2019, funt BALIDAS po totu su tempus de su cursu scolàsticu, de unu annu a s'àteru chentza de depi fai àteras allistaduras (es: pipiesa de is 3 a is 6 anni, primària de sa 1^a alla 5^a, segundària de sa 1^a alla 3^a), sarvu RINÙNTZIA assentada po iscritu de intregai a su Servìtziu istrutzioni, apustis de dda ai arregistrada a s'uficiu de sa prìsia. Duncas, is chi no at cambiau gradu scolàsticu, no at presentau rinùntzia e funt aintru de is arrègulas cun is pagamentas de is annus passaus, est cumentis chi fessint giai iscritus po A.S. 2020/2021 a is pròpius servìtzius de s'A.S. 2018/2019. Custus ant a depi presentai a sa prìsia sceti sa certificazioni ISEE, chi tenint unu ISEE chi no brincat is € 16.000,00, e fessint imbideaus a ndi aprofetai.

A su servìtziu, no ant a essi amìtias is domandas de is chi no ant a ai pagau totu de is annus passaus, est a nai po s'A.S. 2019/2020 e is annus innantis. S'uficiu at a averiguai is pagamentas de custus annus passaus. Taci no arresultessit pagau totu su chi si depiat is babus e is mamas ant a tenni 10 diis po pagai. Deghinò su pipiu no at a podi imperai su servìtziu de mensa scolàstica. At a arribai unu avisu chi escluit de is servìtzius po s'A. S. 2020/2021.

Si fait sciri ca po mori de su covid – 19 e po arrespetai sa lei, a is pipius no ddus ant a donai a papai totus impari ma a dòpiu turnu, po permiti sa distàntzia sociali e assigurai su prus possibili a is pipius sa siguresa.

Si domandat sa certificazioni Isee po is chi ndi bolint aprofetai, balida a su momentu de sa presentada de sa domanda (po is allistaduras nobas) o presentendi a sa prìsia sceti s'Isee po is chi non cambiat gradu de scola (inditau asuba). Custa documentatzioni dda ant a cunsiderai balida po totu s'annu scolàsticu. Si fait sciri ca miticoi chentza sa presentada de s'Isee intru de sa data inditada s'at a aplicai su tanti prus artu. Is certificaus Isee presentaus in s'interis de s'annu ddus ant a acetai e ddus ant a pigai in contu a inghitzai de su mesi apustis de sa intregada in sa prìsia.

Su Comune de Pula at a averiguai is declarazioni po mesu de is Istituzioni cumpetentis.

Su tanti de contribuzioni a càrrigu de is utentis est inditada in su mòllu de sa domanda, sighendi cumentu critèriu is piessinnus de is famillias chi funt domandendi su servìtziu (chi tenint s'Isee, de 0.00 a 16.000,00).

Domandaus po prexeri a is famillias chi no ant ancora pagau su de is annus passaus, de pagai totu intru sa data de su 30/09/2020 intregendi po prexeri una còpia de su versamentu a is uficius cosa nosta o a s'indiritzu email serviziiallapersona@comune.pula.ca.it ponendi sèmpiri sa causali: "servìtziu scolanu..... mesi..... a.s.". Is pagamentas andant fatas in pretzetu una po dònna servìtziu.

1. Bolletinu postali versamentu in su C/C Postali n°16505091 intestau a su servìtziu tesoreria de su Comune de Pula;

2. Bonificu bancàriu intestau a su servìtziu tesoreria de su Comune de Pula:

a) in su codici IBAN IT 70 T 07601 04800 0000 16505091; C/C. Postali;

b) in su codici IBAN IT 04 E 02008 04810 000 104564313 UniCredit.

Is domandas (cumpiladas cumentu si spetat e aciungiendi sa documentatzioni chi serbit), si depit intregai intru su 30/09/2020 a sa una , a s'Uficiu Prìsia de su Comune opuru imbiadas cun sa email a s'indiritzu servizipersona.comune.pula@pec.it.

S'arrecumandat de cumpilai beni e a incuru sa domanda, sa cumpridura de sa documentatzioni pregontada e s'arrespetu de sa data fisciada po sa presentada de sa domanda, po permiti a s'uficiu de aprontai in tempus is àtus de cumpetèntzia.

I Mòdulus s'agatant:

- In su giassu web de s'Enti www.comune.pula.ca.it;
- In s'Uficiu Pùblica Istruzioni de su Comunu in Bia de S. Gruxi, 32 Pula.

Po scedas fueddai, in Bia de Santa Gruxi n. 32, me is oràrius de arricida: su lunis e sa cenàbara de is 11:00 a sa 13:00 – su mèrcuris de is tres e mesu a is cincu e mesu de a meri – Tel. 070/92440273 – 271 – 278 - 270

Pula, 21/09/2020

Su Referenti de su setori
F.u Dott.ssa Rosalba Ortu